

**NYIAJ NTSUAB PAB NEEG THOJNAM (REFUGEE CASH ASSISTANCE) DAIM NTAWV COG LUS  
NTAWM COV NEEG UAS MUAJ FEEM**  
Refugee Cash Assistance (RCA) Participation Agreement

Tej mojkabsim ntawm koj tus kheej uas tau muab qhia lawm tejzaum yuav raug muab siv nrog rau lwm tus txog kev tswj xyuas lub cajmeem ntawm Nyiaj Ntsuab Pab Rau Neeg Thojnam (Refugee Cash Assistance) thiab lwm lub cajmeem uas khiav haujlwm zoo ib yam nkaus. Saib Daim Ntawv Ntxiv Lus rau ntawm Daim Ntawv Thov/Daim Ntawv Sau Npe (DWSW-2378-1) kom paub txog tej mojkabsim no ntxiv.

**Kuv totaub hais tias Nyiaj Ntsuab Pab Neeg Thojnam (Refugee Cash Assistance) yog ib txoj kev pab ib nyuag ntu rau thaum lub sijhawm uas kuv tseem nrhiav haujlwm. Kev Pabcuam Nrhiav Haujlwm Rau Neeg Thojnam tejzaum yuav pab tau kuv nrhiav thiab tuav ib txoj haujlwm kom rawsli kuv tes num. Yog hais tias kuv tau txais Nyiaj Ntsuab Pab Neeg Thojnam (RCA), kuv txaus siab rawsli cov nqe lus nram no:**

**KEVCAI NTAWM HAUJLWM**

- Kuv lub homphiaj yog nrhiav thiab tuav ib txoj haujlwm uas rawsli kuv lub peevxwm ua tau. Yog hais tias kuv yeej ua tau haujlwm, kuv yuav nrhiav thiab txais ib txoj haujlwm. Yog hais tias tamsim no kuv ua tsis taus haujlwm, kuv yuav muab kev koomtes rau tej chaw muab kev pabcuam uas yuav pab tau kuv kom kuv pab tau kuv tus kheej es thiaj li tsis tos leejtwg. Tejzaum kuv yuav tsis muaj feem rau ntawm Nyiaj Ntsuab Pab Rau Neeg Thojnam yog hais tias kuv txhob txwm tsis txais ib txoj haujlwm lossis tsum ib txog haujlwm uas tsis muaj qab hau dabtsi li.
- Kuv totaub tias kuv yuav tsum muab kev koomtes rau txhua txoj kev kawm uas tau hais tas lawm thiab teev tseg rau ntawm kuv Tus Qauv Kev Nrhiav Haujlwm (Employability Plan). Rawsli kuv yog ib tug neeg txais Nyiaj Ntsuab Pab Rau Neeg Thojnam, kuv yuav tsum txais tej haujlwm uas ua ib nyuag ntu, haujlwm ruaj nrees, haujlwm txwm 40 teev lossis haujlwm raws lub caij nyoog thiab muab kev koomtes rau tej cajmeem uas muab kuv mus nkag rau hauv.
- Yuav tsis muab kuv nkag mus ua haujlwm lossis nkag rau ntawm txoj kev kawm haujlwm yog hais tias kuv tsis muaj peevxwm yuav ua tau. Kuv yuav tsum qhia mus rau tus neeg uas Tswj thiab Tsim Tus Qauv Tuav Ntawm Nyiaj Txiag thiab Ntawm Haujlwm tamsim ntawd yog hais tias kuv ua tsis tau tej tegnum uas muaj nyob rau hauv kuv Tus Qauv Nrhiav Haujlwm vim yog tim kev muaj mob, yuav tsum mus tim tsev hais plaub xwb lossis lwm yam kev tab kawm. Yog hais tias kuv muaj ib tug mob uas yuav ua tau rau kom kuv ua tsis taus haujlwm, tejzaum yuav tau nug kom kuv muab kev soj ntsuam lossis lwm yam kev sojntsuam es thiaj li paub nrhiav kev pabcuam tshwjxeeb lossis seb puas tsimnyog nrhiav tej kev pabcuam no tiag. Yog kuv lees paub hais tias tej kev kawm haujlwm no lossis kev xa mus kawm haujlwm no yuav raug rau kuv lub cev dag zog lossis kev noj qab haus huv ntawm txoj kev xav, yuav tau kom kuv xa ntaub ntawv povthawj los ntawm cov kws tshuaj los ntawm tej chaw kho mob, kom thiaj li nrhiav tau kev pabcuam uas yuav haum kuv.
- Kuv yuav mus ntsib nrog rau tus neeg Tswj thiab Tsim Tus Qauv Tuav Ntawm Nyiaj Txiag thiab Ntawm Haujlwm thiab tus tswj xyuas Kev Nrhiav Haujlwm rau Neeg Thojnam rawsli tej sijhawm uas teem tseg. Kuv totaub hais tias kuv yuav raug nkag mus rau tej kev kawm uas npaj kuv tus kheej uas rawsli kuv lub peevxwm ua tau thiab rawsli kev nqes tes ntawm tegnum, rawsli kev teev tseg rau hauv Tus Qauv Nrhiav Haujlwm uas muab tom nrog daim ntawv ntawm no.
- Yog hais tias kuv ua tsis taus haujlwm vim yog kuv muaj hnuv nyoog tshaj 64 xyoos, lossis yog ib tug neeg xiam-oob-khab, kuv yuav sau ntawv mus thov nyiaj Supplemental Security Income thiab yuav muab kev nqes tes txog txhua yam kev sojntsuam ntawm kev muaj mob kom ua povthawj qhia tau hais tias yog xiam-oob-khab.
- Kuv totaub hais tias Nyiaj Pab Rau Neeg Thojnam kev xa mus kawm haujlwm yuav:
  - ◇ ua raws txhua txoj cai ntawm tseemhvw thiab tej kevcai tswj haujlwm hauv lub xeev;
  - ◇ ua raws txhua tus qauv uas tswj teem meem ntawm tseemhvw, hauv lub xeev thiab hauv lub zos thiab muaj kev dim uas tsis raug los ntawm kev uas raug saib tsis taus;
  - ◇ yuav tsis yuam kom kuv tsum ib txoj haujlwm lossis tso kuv txoj cai tseg rau ntawm union; thiab
  - ◇ yuav tsis nrhiav neeg los hloov tus neeg uas tawm tsav txoj haujlwm, kev hais tsis haum ntawm txoj haujlwm, lossis kev tsis haum xeeb nrog rau lwm lub chaw tuav haujlwm.

**TEGNUM**

- Kuv yuav tsum tuaj kom tau rau txhua txhua lub sijhawm uas teem tseg nrog rau kuv tus neeg uas tuav Nyiaj Ntsuab Pab Rau Neeg Thojnam thiab tus tswj kev nrhiav haujlwm thiab ua txhua yam num kom tiav lossis yuav tau qhia tias yog vim li cas kuv thiaj ua tsis tau.
- Kuv totaub tias yog kuv tsis yeej muab kev nqes tes thiab tsis muaj kev qhia uas tsimnyog, yuav muaj kev txwv kev tsis them nyiaj lossis txiav pob Nyiaj Pab Rau Neeg Thojnam kom tu nrho uas yog siv tawm los ntawm lub fai tuav W-2.
- Kuv yuav tsum muab tej mojkabsim ua lus povthawj kom tsis pub dhau li ntawm xya hnuv txij li thaum lawv nug txog. Kuv yuav qhia kev txawv txav txog nyiaj hli, nyiaj puavpheed ntawm tus kheej, thiab kev txawv txav ntawm tsevneeg tsis pub dhau 10 hnuv tom qab uas muaj kev txawv txav ntawd lawm. Kuv yuav tsum qhia rau Tus Neeg Pab Tswj thiab Tsim Tus Qauv Tuav Ntawm Nyiaj Txiag thiab Ntawm Haujlwm txog txhua yam kev hloov txog ntawm kuv li chaw nyob lossis xovtooj. Kuv yuav tsum qhia rau Tus Neeg Pab Tswj thiab Tsim Tus Qauv Tuav Ntawm Nyiaj Txiag thiab Ntawm Haujlwm txog txhua yam teebmeem uas txog kev txais ntawv thiab xa ntawv li no thiaj li paub daws kev sib txuas lus. (Yog hais tias koj tau txais lwm yam kev pab nyiaj txiag, yuav tau qhia rau tus Economic Support Specialist txog txhua yam kev hloov).
- Kuv totaub hais tias yog qhia tej mojkabsim uas cuav, lossis zais tej mojkabsim cia txog kuv tus kheej lossis kuv qhov chaw nyob kom tau txais lossis muaj kev tau txais ntau yam kev pab ntawm nyiaj txiag, yuav raug lub txim txhaum. Kuv totaub tias kuv yuav tsum them txhua yam nyiaj txiag rov qab uas kuv tau txais vim yog kuv dag qhia tej mojkabsim uas cuav lawm.
- Yog hais tias kuv tau txais Nyiaj Pab Rau Neeg Thojnam uas yog xa yuam kev xwb, kuv yuav tsum tau them rov qab.

**SIJHAWM TXWV NTAWM KEV TXAIS NYIAJ**

- Kuv totaub tias kev pab Nyiaj Rau Neeg Thojnam tsuas muaj li 8 lub hlis xwb suav txij li hnuv uas kuv tuaj poob rau lub tebchaw Amesliskas no. Tsis tag li ntawd xwb, feem coob ntawm cov neeg thojnam no muaj peevxwm nrhiav tau haujlwm thiab txiav tau lawv txoj kev noj pob Nyiaj Pab Rau Neeg Thojnam no ua ntej ntawm 8 lub hlis.

**TXOJ CAI MUAJ FEEM SAU NTAWV TSI TXAUS SIAB**

Koj muaj peev xwm nug kom luag teem ib lub caij hais plaub yog koj xav tias qhov kev txiav txim no tsis ncaj ncees lawm. Koj mus muab tau cov kev cai yuav thov teem ib rooj plaub ntawm koj tus neeg ua hauj lwm pab koj, los yog koj sau ib tsab ntawv mus thov teem hais koj rooj plaub uas yuav tsum muaj koj lub npe, chaw nyob, xov tooj, tus leb social security, thiab qhia lub ntsiab lus tias yog vim lcas koj thiaj tsis txaus siab es xas mus rau qhov chaw nyob no: Division of Hearings and Appeals, PO Box 7875, Madison WI 53707-7875. Yog tias koj thov teem koj rooj plaub ua ntej hnuv luag tsis tau txiav txim yuav txiav koj nyiaj, koj yuav tau txais nyiaj txog lub caij ua nej hais rooj plaub tiav. Cov nyiaj pab koj yuav pab tsis tshaj 8 lub hli xws li luag txoj cai. Yog thaum tuaj hais plaub tag es kev txiav txim qhia tias koj tsis tsim nyog tau txais nyiaj pab, koj yuav tau them rov qab cov nyiaj uas luag them yuam kev rau koj lawm. Koj yuav tsum xas tsab ntawv mus thov teem koj rooj plaub tsis pub dhau 45 hnuv suav txij hnuv luag xas tsab ntawv tuaj rau koj li saum toj no mas cov neeg hais plaub thiaj kam hais koj rooj plaub.

**FAI TUAV TXOJ CAI VAJHUAM SIB LUAG**

Koj muaj txoj cai kom muaj ib tug neeg los txhais lus uas tsis ntaus nqi rau koj them li. Fai tuav Vajhuam Sib Luag muaj cov kevcai tswj xyuas tias yog ib tug neeg nws muaj feem lawm yuav tsum tsis txhob txwv muab nws tshem tawm ntawm txoj kev nqes tes, ntawm kev txwv tsis pab nyiaj txiag, lossis kev uas raug txoj kev saib tsis taus los ntawm yog haiv neeg, cev nqaij daim tawv txawv, nyob tebchaw twg tuaj, kev ntseeg, pojniam lossis txivneej, kev xiam-oob-khab, lossis ntawm lub hnuv nyoog. Tsis dua li ntawd xwb, cov neeg uas muaj feem rau ntawm Kev Sib Koom Ntawm Kev Yuav Zaub Mov thiab cov uas tabtom tau txais yuav tsum tsis txhob pub raug txoj kev uas raug saib tsis taus uas yog muab saib rau ntawm txoj kev ntseeg ua nom ua tswv. Yog hais tias koj muaj kev xiam-oob-khab, koj muaj txoj cai thov kom muaj tus neeg piavtes tuaj txhais lus, los yog kom muaj lwm txoj kev paub txog lossis muaj kev los pab. Koj muaj txoj cai kom muaj ib tug neeg txhais lus yog tias koj tsis paub hais lus Anskiv. Koj muaj txoj cai kom tau txais tej kev pabcuam yog koj yog neeg uas tsis taus.

Yog kuv xav tias kuv yog ib tug neeg xiam-oob-khab thiab yuav tsum tau kev pab vim kuv txoj kev xiam-oob-khab rau thaum uas muaj feem rau lub cajmeem pab Nyiaj Ntsuab Rau Neeg Thojnam, kuv mamli nrog kuv tus neeg Pab Tswj thiab Tsim Tus Qauv Tuav Ntawm Nyiaj Txiag thiab Ntawm Haujlwm tham txog tej no.

Tus Neeg Muaj Feem/Tus Neeg Nqes Tes Kes Npe	Hnubtim Tus Neeg Muaj Feem/Neeg Nqes tes Kes Npe
Lwm Tus Laus Neeg Ntawm Pawg RCA Kes Npe	Hnubtim Lwm Cov Laus Neeg Kes Npe

**RETAIN COMPLETED FORM IN CASE RECORD**